

ՊԱՅՄԱՆԱԳԻՐ N ՄՇԴ - 162-2023

**ՊԵՏՈՒԹՅԱՆ ԿՈՂՄԻՑ ԴՐԱՄԱՇՆՈՐՀԻ ՁԵՎՈՎ ՏՐԱՄԱԴՐՎՈՂ
ՖԻՆԱՆՍԱԿԱՆ ԱԶԱԿՑՈՒԹՅԱՆ ԳՈՒՄԱՐՆԵՐԻ ՕԳՏԱԳՈՐԾՄԱՆ ՄԱՍԻՆ**
ք. Երևան «21» «03» 2023 թ.

Հայաստանի Հանրապետության կրթության, գիտության, մշակույթի և սպորտի նախարարությունը (այսուհետ՝ պետական մարմին), ի դեմս գլխավոր քարտուղար՝ Հ. Հակոբյանի, որը գործում է պետական մարմնի կանոնադրության հիման վրա, մի կողմից, և «Արվեստի բաց հարթակ» հասարակական կազմակերպությունը (այսուհետ՝ կազմակերպություն), ի դեմս կազմակերպության տնօրեն՝ Գ. Ղազարյանի, որը գործում է կազմակերպության կանոնադրության հիման վրա, մյուս կողմից (այսուհետ միասին՝ կողմեր), հիմք ընդունելով ՀՀ կառավարության 2022 թվականի դեկտեմբերի 29-ի «ՀՀ 2023 թվականի պետական բյուջեի կատարումն ապահովող միջոցառումների մասին» N 2111-Ն որոշումը (այսուհետ՝ որոշում) և ՀՀ կառավարության 2023 թվականի փետրվարի 16-ի 214-Ն որոշումը՝ որոշման «1168. Արվեստների ծրագրի» «11013. Հայ կինոյի հիմնադրման 100-ամյա հոբելյանական միջոցառումների իրականացում» միջոցառման (այսուհետ՝ ծրագիր) իրականացման նպատակով կնքեցին սույն պայմանագիրը (այսուհետ՝ պայմանագիր)՝ հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ

1.1. Սույն պայմանագրով պետական մարմինը պարտավորվում է ծրագրի իրականացման նպատակով կազմակերպությանը հատկացնել սույն պայմանագրով սահմանված վճարը, իսկ կազմակերպությունը պարտավորվում է սույն պայմանագրով սահմանված վճարի դիմաց սույն պայմանագրով սահմանված կարգով ու ժամկետում իրականացնել «Մարդը բարձրագույն արժեք է» կինոաշխատարանների ծրագիրը (այսուհետ՝ միջոցառումներ)՝ համաձայն սույն պայմանագրի անբաժանելի մաս կազմող՝

- 1.1.1. ծրագրի՝ Հավելված N 1,
- 1.1.2. նախահաշվի՝ Հավելված N 2:

2. ԿՈՂՄԵՐԻ ԻՐԱՎՈՒՆՔՆԵՐԸ և ՊԱՐՏԱՎՈՐՈՒԹՅՈՒՆՆԵՐԸ

2.1. Պետական մարմինն իրավունք ունի՝

- 2.1.1. ցանկացած ժամանակ (այդ թվում՝ ՀՀ ֆինանսների նախարարության և պետական այլ մարմինների միջոցով) ստուգելու կազմակերպության կողմից իրականացվող միջոցառումների ընթացքը և որակը՝ առանց միջամտելու վերջինիս գործունեությանը, ինչպես նաև օրենսդրությամբ սահմանված կարգով իրականացնել ներքին աուդիտ,
- 2.1.2. կազմակերպությունից պարբերաբար պահանջել ու ստանալ տեղեկատվություն սույն պայմանագրի կատարման ընթացքի մասին,
- 2.1.3. սույն պայմանագրով սահմանված պահանջներին չհամապատասխանելու դեպքում չընդունելու իրականացված միջոցառումները՝ իր հայեցողությամբ սահմանելով թերությունների անհատույց վերացման ողջամիտ ժամկետ, և կազմակերպությունից պահանջելու վճարել սույն պայմանագրի 6.2-րդ կետով նախատեսված տուգանքը, իսկ

պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում՝ սույն պայմանագրի 6.3-րդ կետով նախատեսված տույժերը,

2.1.4. առանց իրականացված միջոցառումների արդյունքների դիմաց գումար տրամադրելու՝ միակողմանի լուծելու սույն պայմանագիրը և պահանջելու հատուցել պատճառված վնասները, եթե՝

ա. առանց հիմնավոր պատճառի կազմակերպությունը ժամանակին չի սկսում միջացառման իրականացումը, կամ միջոցառման իրականացման ժամանակ ակնհայտ է դառնում, որ այն պատշաճ չի իրականացվելու,

բ. կազմակերպությունը երկու և ավելի անգամ խախտել է ծրագրով նախատեսված առանձին միջոցառումների իրականացման ժամկետները (սույն պայմանագրով կամ կանոնադրությամբ միջոցառումների իրականացման ժամկետներ նախատեսված լինելու դեպքում),

գ. իրականացված միջոցառումները չեն համապատասխանում ծրագրով սահմանված պահանջներին,

2.1.5. կազմակերպության կողմից սույն պայմանագրի պահանջները չկատարելու դեպքում դադարեցնելու ֆինանսավորումը՝ մինչև թերությունների վերացումը,

2.1.6. կազմակերպության կողմից սույն պայմանագրով նախատեսված միջոցառումների ֆինանսական ծախսեր ենթադրող ոչ ֆինանսական ցուցանիշների թերակատարման դեպքում պահանջելու հետ վերադարձնել համապատասխան չափով հաշվարկված գումարը,

2.1.7. սույն պայմանագիրն օրենքով կամ սույն պայմանագրով նախատեսված հիմքերով լուծելու դեպքում պահանջելու իրեն հանձնել անավարտ միջոցառումների արդյունքները:

2.2. Կազմակերպությունն իրավունք ունի՝

2.2.1. պետական մարմնից պահանջելու ընդունել սույն պայմանագրի 1.1-ին կետում նշված և կազմակերպության կողմից պատշաճ ձևով ու կարգով կատարված միջոցառումները,

2.2.2. պետական մարմնից պահանջելու վերացնել կազմակերպության գործողություններից (անգործությունից) անկախ՝ պետական մարմնի մեղքով սույն պայմանագրի կատարման համար առաջացած խոչընդոտները կամ վերանայել սույն պայմանագրի պայմանները,

2.2.3. իրականացված միջոցառումների արդյունքը պետական մարմնի կողմից ընդունվելու և պետական մարմնի կողմից գումարները չվճարվելու դեպքում միակողմանի լուծելու սույն պայմանագիրը և պահանջելու հատուցել իրեն պատճառված վնասները,

2.2.4. վաղաժամկետ լուծելու սույն պայմանագիրը՝ սույն պայմանագրով կամ Հայաստանի Հանրապետության օրենսդրությամբ սահմանված կարգով և դեպքերում,

2.2.5. անհրաժեշտության դեպքում սույն պայմանագրի անբաժանելի մաս կազմող նախահաշվով նախատեսված ծախսային ուղղությունների միջև և (կամ) ծախսային ուղղությունների տողերի միջև իրականացնել համապատասխանաբար յուրաքանչյուր ծախսային ուղղության և ծախսային ուղղության տողերի գումարի 10 տոկոսի չափով շեղում՝ չխախտելով վճարումների համար սահմանված նորմերը:

2.3. Պետական մարմինը պարտավոր է՝

2.3.1. Հայաստանի Հանրապետության օրենսդրությամբ և (կամ) ծրագրով նախատեսված դեպքերում իր և կազմակերպության կանոնադրություններով սահմանված իրավասությունների շրջանակներում աջակցել կազմակերպությանը, այդ թվում՝ կազմակերպությանը ցուցաբերել մեթոդական և կազմակերպական օգնություն,

2.3.2. ընդունել սույն պայմանագրի պահանջներին համապատասխան կազմակերպության կողմից պատշաճ ձևով ու կարգով կատարված միջոցառումները և հաշվետվությունները,

2.3.3. կատարել ծրագրի (առանձին միջոցառումների) իրականացման մոնիթորինգ՝ անհրաժեշտության դեպքում համագործակցելով այլ պետական կառավարման մարմինների հետ,

2.3.4. իրականացված միջոցառումների մասին ներկայացված ֆինանսական և բովանդակային հաշվետվությունների վերաբերյալ համապատասխան որոշում ընդունել դրանք ստանալու օրվանից մինչև 20 աշխատանքային օրվա ընթացքում: Հաշվետվություններում թերություններ հայտնաբերվելու դեպքում դրանք վերադարձվում են կազմակերպությանը լրամշակման՝ սահմանելով խելամիտ ժամկետներ: Եթե ներկայացված հաշվետվությունների համաձայն իրականացված միջոցառումները համապատասխանում են ծրագրի և սույն պայմանագրի պահանջներին, ապա դրանք ընդունվում են,

2.3.5. իրականացնել սույն պայմանագրով նախատեսված այլ աշխատանքներ:

2.4. Կազմակերպությունը պարտավոր է՝

2.4.1. սույն պայմանագրով նախատեսված ֆինանսական միջոցներն օգտագործել ծրագրով և (կամ) սույն պայմանագրով սահմանված նպատակներով ու չափաքանակներով՝ համաձայն սույն պայմանագրի 1.1-ին կետի,

2.4.2. ժամանակին, պատշաճ ձևով ու կարգով կատարել սույն պայմանագրի 1.1-ին կետով նախատեսված միջոցառումները,

2.4.3. պետական մարմնի պահանջով նրան հաղորդել տեղեկատվություն միջոցառումների կատարման ընթացքի մասին,

2.4.4. սույն պայմանագրով սահմանված պարտավորություններն իրականացնել պետական մարմնի կողմից հաստատված մեթոդական ցուցումների, հրահանգների և այլ իրավական ակտերի (փաստաթղթերի) պահանջներին համապատասխան,

2.4.5. պետական մարմնին անհապաղ հայտնել սույն պայմանագրի կատարման համար առաջացած խոչընդոտների մասին և միաժամանակ ձեռնարկել իր կողմից հնարավոր բոլոր միջոցները՝ դրանք վերացնելու համար,

2.4.6. սույն պայմանագրի գործողության ընթացքում ապահովել միջոցառումների իրականացմանը վերաբերող փաստաթղթերին ծանոթանալու պետական մարմնի հնարավորությունը՝ վերջինիս կողմից գրավոր պահանջ ստանալու օրվանից 5 աշխատանքային օրվա ընթացքում,

2.4.7. կատարել պետական մարմնի կողմից բացահայտված թերությունների վերացման նպատակով տրված ցուցումները,

2.4.8. սույն պայմանագրի 4.1-ին կետով սահմանված ժամկետներում պետական մարմնին ներկայացնել հաշվետվություններ (ֆինանսական և բովանդակային) կատարված ծախսերի և

իրականացված միջոցառումների մասին: Ֆինանսական հաշվետվությունը ներկայացվում է սույն պայմանագրի Հավելված N 3-ով սահմանված ձևանմուշով՝ նկատի ունենալով, որ փաստացի ծախսերը հիմնավորող հաշվապահական և այլ փաստաթղթերը գտնվում են կազմակերպության մոտ և վերջինս պատասխանատվություն է կրում ֆինանսական հաշվետվությամբ ներկայացված տվյալների իսկության համար, իսկ բովանդակայինը՝ ամբողջական տեղեկատվություն միջոցառումների իրականացման և ընթացքի մասին, այդ թվում արդյունքների գնահատումը, մասնակիցների քանակը, կցելով համապատասխան նյութեր (լուսանկարներ, ազդագրեր, հրավիրատոմսեր, մամուլի հրապարակումներ և այլ տեղեկատվական նյութեր)՝ էլեկտրոնային կրիչներով,

2.4.9. պետական մարմնի կողմից առանձին միջոցառումների իրականացման մասին հաշվետվությունները չընդունվելու դեպքում անվճար՝ պետական մարմնի կողմից սահմանված ողջամիտ ժամկետում վերացնել արձանագրված անհամապատասխանությունները,

2.4.10. հրապարակել պետական մարմնի անունը, իսկ համաֆինանսավորման դեպքում տրամադրել ամբողջական տեղեկատվություն՝ ծրագրին աջակցող կազմակերպության, ֆինանսավորման չափի և վերջինիս հետ ձեռք բերված այլ պայմանավորվածությունների մասին,

2.4.11. սույն պայմանագրից բխող միջոցառումները չկատարելու դեպքում վերադարձնել պետական մարմնի կողմից տրամադրված գումարը և վճարել տուգանք սույն պայմանագրի 3.1-ին կետում նախատեսված գումարի 5,0 (հինգ) տոկոսի չափով,

2.4.12. իրականացնել միջոցառումների շրջանակներում պետական մարմնի կողմից տրամադրված գումարների հաշվապահական հաշվառման վարում՝ Հայաստանի Հանրապետության օրենսդրությամբ սահմանված կարգով,

2.4.13. միջոցառումների իրականացման համար անհրաժեշտ ապրանքները, աշխատանքները և ծառայությունները ձեռք բերել «Գնումների մասին» Հայաստանի Հանրապետության օրենքով սահմանված կարգով,

2.4.14. սույն պայմանագրով սահմանված միջոցառումների իրականացման արդյունքում առաջացած տնտեսումների, ինչպես նաև չհիմնավորված ծախսերի գումարները վերադարձնել ՀՀ պետական բյուջե՝ ոչ ուշ քան մինչև 2023 թվականի դեկտեմբերի 22-ը:

3. ՊԱՅՄԱՆԱԳՐԻ ԳԻՆԸ ԵՎ ՎՃԱՐՈՒՄՆԵՐԻ ԿԱՐԳԸ

3.1. Սույն պայմանագրի 1.1-ին կետում նշված միջոցառումների իրականացման համար պետական մարմինը կազմակերպությանը հատկացնում է 9249.6 հազար (ինը միլիոն երկու հարյուր քառասունինը հազար վեց հարյուր) դրամ՝ (ներառյալ հարկերը, տուրքերը և պարտադիր այլ վճարները)՝ համաձայն Հավելված N 2-ի:

3.2. Սույն պայմանագրի 3.1-ին կետում սահմանված գումարի 80 %-ը կազմակերպությանը հատկացվում է սույն պայմանագրի կնքումից հետո, իսկ 20 %-ը՝ սույն պայմանագրի 5.1-ին կետով նախատեսված հանձնման-ընդունման արձանագրությունը ստորագրելուց հետո՝ կազմակերպության հաշվեհամարին փոխանցելու միջոցով:

3.3. Համաձայն «ՀՀ 2023 թվականի պետական բյուջեի մասին» ՀՀ օրենքի 7-րդ հոդվածի 22-րդ կետի՝ հաշվարկված ԱԱՀ-ի գծով լրացուցիչ հատկացումները չեն կարող ուղղվել այլ նպատակների և չօգտագործված գումարները 2023 թվականի ընթացքում ենթակա են վերադարձման ՀՀ պետական բյուջե:

4. ՊԱՅՄԱՆԱԳՐԻ ԺԱՄԿԵՏԸ

4.1. Սույն պայմանագրով նախատեսված միջոցառումների կատարման ժամկետը մինչև 2023 թ. նոյեմբերի 30-ն է, իսկ հաշվետվությունների ներկայացման ժամկետը՝ մինչև սույն պայմանագրով նախատեսված միջոցառումների կատարման ավարտին հաջորդող 30-րդ օրացուցային օրը, սակայն ոչ ուշ, քան 2023 թվականի դեկտեմբերի 10-ը :

4.2. Սույն պայմանագիրն ուժի մեջ է մտնում կողմերի ստորագրման պահից և գործում է մինչև կողմերի ստանձնած պարտավորությունների ամբողջ ծավալով կատարումը:

5. ԱՇԽԱՏԱՆՔՆԵՐԻ ԸՆԴՈՒՆՄԱՆ ԿԱՐԳԸ

5.1. Սույն պայմանագրի 1.1-ին կետում նշված և ամբողջությամբ կատարված միջոցառումները կազմակերպության կողմից ներկայացվում են պետական մարմնի ընդունմանը ոչ ուշ, քան սույն պայմանագրով սահմանված ժամկետում: Պետական մարմնի կողմից դրանց ընդունման դեպքում այդ մասին կազմվում է հանձնման-ընդունման արձանագրություն (Հավելված N 4):

6. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

6.1. Կազմակերպությունը պատասխանատվություն է կրում սույն պայմանագրով ստանձնած պարտավորությունների չկատարման կամ ոչ պատշաճ կատարման համար:

6.2. Սույն պայմանագրի 1.1-ին կետով նախատեսված պարտավորությունների ոչ պատշաճ կատարման դեպքում, ինչպես նաև սահմանված ժամկետները կազմակերպության կողմից չպահպանելու դեպքում վերջինս պետական մարմնին վճարում է տուգանք՝ ոչ պատշաճ կատարված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով, իսկ սահմանված ժամկետները խախտելու դեպքում ժամկետների խախտմամբ իրականացված պարտավորության համար նախատեսված գումարի 0.5 (զրո ամբողջ հինգ տասնորդական) տոկոսի չափով՝ ուշացված յուրաքանչյուր աշխատանքային օրվա համար: Ընդ որում, տուգանքի վճարումը կազմակերպությանը չի ազատում իր պարտավորությունները կատարելու և խախտումները վերացնելու պարտականությունից:

6.3. Սույն պայմանագրով նախատեսված հաշվետվությունների ներկայացման համար սահմանված ժամկետները չպահպանելու դեպքում կազմակերպությունը պետական մարմնին վճարում է տույժ՝ պայմանագրի գնի 0.05 (զրո ամբողջ հինգ հարյուրերորդական) տոկոսի չափով՝ ուշացված յուրաքանչյուր աշխատանքային օրվա համար՝ սույն պայմանագրի չկատարված մասի գնի նկատմամբ:

6.4. Սույն պայմանագրի 6.2-րդ և 6.3-րդ կետերով նախատեսված տուգանքը և տույժը կարող է հաշվարկվել և հաշվանցվել միջոցառումների իրականացման արդյունքում կազմակերպությանը վճարման ենթակա գումարների հետ:

6.5. Սույն պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

6.6. Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

6.7. Սույն պայմանագրով կազմակերպության կողմից ստանձնված պարտավորությունները չկատարելու կամ ոչ պատշաճ կատարելու հիմքով սույն պայմանագիրը միակողմանի լուծելու մասին ծանուցումը պետական մարմինը հրապարակում է իր պաշտոնական կայքում՝ նշելով հրապարակման ամսաթիվը: Կազմակերպությունը համարվում է սույն պայմանագիրը միակողմանի լուծելու մասին պատշաճ ծանուցված՝ ծանուցումը կայքում հրապարակվելուն հաջորդող օրվանից: Սույն պայմանագիրը միակողմանի լուծելու մասին ծանուցումը կայքում հրապարակվելու օրը ուղարկվում է նաև կազմակերպության էլեկտրոնային փոստին:

6.8. Սույն պայմանագրի կնքումից հետո 3-օրյա ժամկետում կազմակերպության անվանումը, գտնվելու վայրը, կազմակերպության կողմից դրամաշնորհ ստանալու համար ներկայացված ծրագիրը հրապարակվում են պետական մարմնի պաշտոնական ինտերնետային կայքէջում:

6.9. Կազմակերպությունը սույն պայմանագրով նախատեսված ժամկետներում պետական մարմնին ներկայացնում է միջոցառումների կատարման վերաբերյալ հաշվետվություն, որը պետական մարմնի կողմից ընդունվելուց հետո 3-օրյա ժամկետում հրապարակվում է պետական մարմնի պաշտոնական ինտերնետային կայքէջում՝ բացառությամբ անձի եկամուտներին վերաբերող դրամաշնորհային պայմանագրերի:

7. ՄՈՆԻԹՈՐԻՆԳԸ

7.1. Պետական մարմինը միջոցառումների իրականացման արդյունքների համապատասխանության գնահատման նպատակով իրականացնում է մոնիթորինգ:

7.2. Մոնիթորինգն իրականացվում է պետական մարմնի և (կամ) նրա կողմից լիազորված անձի կողմից:

7.3. Մոնիթորինգի իրականացման ընթացքում բացահայտված թերացումների ու բացթողումների շտկման նպատակով կազմակերպությանը տրվում են ցուցումներ, և կատարվում են առաջարկություններ:

7.4. Պետական մարմինը ցանկացած ժամանակ կարող է միջոցառումների շրջանակներում իրականացնել մոնիթորինգ՝ ուսումնասիրելով միջոցառումներին առնչվող ցանկացած փաստաթղթեր և նյութեր:

7.5. Մոնիթորինգի իրականացման ընթացքում կազմակերպությունից կարող են պահանջվել գրավոր ու բանավոր պարզաբանումներ և բացատրություններ:

8. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆԸ (ՖՈՐՍ-ՄԱԺՈՐ)

8.1. Պայմանագրով նախատեսված պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է պայմանագիրը

կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներն են երկրաշարժը, ջրհեղեղը, հրդեհը, պատերազմը, ռազմական և արտակարգ դրության հայտարարումը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում պայմանագրով նախատեսված պարտավորությունների կատարումը: Եթե անհաղթահարելի ուժի ազդեցությունը շարունակվում է 3 ամսվանից ավելի, ապա կողմերից յուրաքանչյուրն իրավունք ունի լուծելու պայմանագիրը՝ դրա մասին նախապես տեղյակ պահելով մյուս կողմին:

9. ԵԶՐԱՓՈՒԿ ԴՐՈՒՅԹՆԵՐ

9.1. Սույն պայմանագրում կատարվող փոփոխությունները կամ լրացումներն իրավաբանական ուժ ունեն, եթե կազմված են գրավոր և ստորագրված են կողմերի կողմից:

9.2. Սույն պայմանագիրը կնքվում է պայմանագրի կողմերի թվին համապատասխան թվով օրինակով, որոնք ունեն հավասարազոր իրավաբանական ուժ: Յուրաքանչյուր կողմին տրվում է պայմանագրի մեկ օրինակ:

9.3. Սույն պայմանագրով նախատեսված պարտավորությունների չկատարման հետ կապված, ինչպես նաև սույն պայմանագրով չնախատեսված հարաբերությունները կարգավորվում են Հայաստանի Հանրապետության օրենսդրությամբ:

10. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐՆ ՈՒ ՍՏՈՐԱԳՐՈՒԹՅՈՒՆՆԵՐԸ

ՊԵՏԱԿԱՆ ՄԱՐՄԻՆ

ԿԱԶՄԱԿԵՐՊՈՒԹՅՈՒՆ

ՀՀ կրթության, գիտության, մշակույթի
և սպորտի նախարարություն
ք. Երևան, Վազգեն Սարգսյան 3
Կառավարական տուն 2
ՀՀ ՖՆ գործառնական վարչություն
Հ/Ը 900011042638 ՀՎՀՀ 02698732

Գլխավոր քարտուղար՝
[Ստորագրություն] Հ. Հակոբյան
(ստորագրություն)



«Արվեստի բաց հարթակ» ՀԿ
ք. Երևան Աղյուսագործների 2-րդ փ.,
տուն 89

«Ինեկոբանկ» ՓԲԸ
ՀՀ 2050022554411001 ՀՎՀՀ 00487266
Հեռ՝ 091575458
Տնօրեն՝

Գ. Ղազարյան
(ստորագրություն)

Կ.Տ.



[Ստորագրություն]

միաժամանակ նկարահանում, մոնտաժում, արտադրում ֆիլմեր: Երեկոյան նայում ենք ՄԷԿ ԿԱԴՐ փառատոնի արխիվից 1, 2 մրցանակակիր կարճ ֆիլմեր, քննարկում: Աշխատարանի չորրորդ օրվա երեկոյան ցուցադրվում են մասնակիցների ֆիլմերը: Սա ամենահրաշալի պահն է, երբ ներգրավված երիտասարդները առերեսվում են արդյունքներին, մեկը մյուսի գաղափարների իրագործմանը, քննարկում իրենց ստեղծած ֆիլմերը: Ծրագիրն իրագործվում է բաց հայտագրման, առավելագույն տեսանելի միջավայրում: Մասնակցության որևէ սահմանափակում չկա: Յուրաքանչյուր համայնքի համար մինչ բուն աշխատարանը մոտ երկու շաբաթ տեղի կունենա առցանց հայտագրումը: Նաև, գործընկեր կազմակերպությունները օգտագործելով կապի և տարածման տեղական ավանդույթն ու միջոցները, տեղերում կկազմակերպեն բնակավայրի ակտիվ պատանիների, երիտասարդների մեջ տեղեկատվության տարածումը: Մենք կաշխատենք ներգրավել նաև հայանքներում գյուղական կամ քաղաքային իշխանությունների ներկայացուցիչներին: Այսպիսով կստեղծվեն կապեր, որոնք ապագա իրագործումների համար դրական հիմք կդառնան: Տարիքային բաշխումը 14-ից 30 տարեկան: Նախագիծը ճկուն է, երբեմն մասնակցում են ավելի փոքր և մեծ տարիքի հետաքրքրվողներ: Սեռային բաշխումը՝ արական՝ 30%, իգական՝ 70%: Փորձը ցույց է տալիս, որ իգական սեռի ներկայացուցիչներն ավելի առաջադեմ են, նախաձեռնող և մասնակցային:

Մեր փորձը հաստատում է, որ մարզերում՝ պատանիներն ու երիտասարդները, անգամ միջին տարիքի քաղաքացիները նման ծրագրերի իրագործման կարիք ունեն: Հատկապես այն բնակավայրերը, որտեղ կրթամշակութային կյանքը երկար տարիներ պասիվ է եղել: Ովքեր ակտիվ ներգրավվում են, ստեղծում ֆիլմեր, միանշանակ ստանում են ամփոփ գիտելիք՝ վիզուալ արվեստի, մեդիա գրագիտության և հարստանում սեփական փորձով: Ակնհայտ է, որ մարզերում բնակվող երիտասարդների համար աշխատարանը բացառիկ հնարավորություն է աուդիովիզուալ մեդիա դաշտում իրենց մտահղացումները իրագործելու մեկնարկային գիտելիք ձեռք բերելու համար: 2022-ին, Human Rights House հիմնադրամի դրամաշնորհով, աշխատարանն իրագործվեց Սյունիքի մարզի 5 քաղաքներում՝ Մեղրի, Քաջարան, Կապան, Սիսիան, Գորիս, նախագիծն ավարտվեց սեպտեմբերին: Հպարտությամբ

		<p>պետք է նշենք, որ Human Rights House հիմնադրամը նախագծի իրագործումն համարեց տարվա հաջողված նախագիծ և հատուկ հոդվածով, որպես հաջողված փորձ անդրադարձավ աշխատարաններին:</p> <p>https://humanrightshouse.org/impact/the-human-being-is-the-highest-value-young-armenians-explore-the-constitution-human-rights-through-short-films/</p> <p>Մեկ ընդհանուր ձևաչափով նկարված ֆիլմերն ունեն հանրային հետաքրքրության շատ մեծ պաշար: Լայն հանրությունը միշտ ոգևորությամբ է հետևում այս ֆորմատին, հաճույքով նայում ֆիլմերը, որովհետև ակնհայտ է, որ այս ֆիլմերի հետևում հիմնականում կանգնած են կինոերազողները: Այդքանով, աշխատարանում ստեղծված «մեկ կադր մեկ ընդհանուր» ֆիլմերի դրական էմոցիան կգա և կհիշատակի Հայ Կինոյի 100 ամյակը:</p> <p>Աշխատարանի իրագործման ամսեկան տեղաշարժն ու օրերը համակարգվելու են, հաշվի առնելով մեր և մարզային հյուրընկալ կազմակերպությունների ընթացիկ զբաղվածությունները: Դրանք կարող են տեղաշարժվել, թե ամիսների և թե օրերի մեջ:</p>
3.2	Նպատակ	<p>Հետպատերազմական իրողությունները հաստատում են աշխատարանն հատկապես մարզային բնակավայրերում իրագործման անհրաժեշտությունն ու մեր ձգտումը: Նախագիծը կնպաստի թիրախային և շահառու խմբերի շրջանում հետպատերազմական լարվածության, տրավմաների հաղթահարմանը: Ապագայի հանդեպ լավատեսության և վստահության ստեղծմանը: Մեր նպատակն է, մեկ կադր, մեկ ընդհանուր տևողությամբ ֆիլմարտադրության փորձառության միջոցով, մարզերի երիտասարդության ակտիվ շրջանակների մեջ զարգացնել մեդիա/կինո գրագիտություն, աուդիովիզուալ արվեստների գիտելիք՝ ազատ, անկաշկանդ խոսելու, սեփական միջավայրի անկրկնելի պատմությունը վիզուալ արվեստի լեզվի միջոցով ներկայացնելու, ֆիլմարտադրության կարողություն ձեռք բերելու իրական փորձի փոխանակումը: Աշխատարանի մասնակիցները կառնչվեն կինոկրթության առանձնահատուկ սինթետիկ բովանդակությանը, որն իր մեջ ներառում է կրթության համեմատաբար լայն սպեկտոր՝ լուսանկարչություն, կերպարվեստ, գրականություն, թվային տեխնոլոգիաներ, հաղորդակցություն, ստեղծարարություն, ուշադրություն սեփական միջավայրի, բնակավայրի, համայնքի և մարդկանց հանդեպ:</p>

3.3	Անցկացման ժամկետ	01.04. – 30.11.2023 թ.
3.4	Անցկացման վայր	Խաչիկ գյուղ (Վայոց Ձորի մարզ), Ստեփանավան (Լոռու մարզ), Լիճք գյուղ (Գեղարքունիկի մարզ), Օշական գյուղ (Արագածոտնի մարզ), Արմավիր (Արմավիրի մարզ), Հրազդան (Կոտայքի մարզ), Իջևան (Տավուշի մարզ), Արտաշատ (Արարատի մարզ):
3.5	Ակնկալվող արդյունքներ	Յուրաքանչյուր բնակավայրում մենք կձգտենք ստեղծել 7-8 ֆիլմ: Նախագծի արդյունքում կստեղծվի 60 մեկ րոպե ֆիլմ: Աշխատարանը կվերածվի շրջիկ կինոտոնի, ԿինոԼաբ, որի իրագործմամբ Հայաստանի ութ քաղաքների մոտ 160 երիտասարդներ՝ ի հիշատակումն Հայ կինոյի 100 ամյակի, միասին կստեղծեն մեկ լիամետրաժ կինո բովանդակություն: Ծրագիրը հնարավորություն կտա տեղերի ակտիվ երիտասարդության, միջին տարիքի քաղաքացիներին բարձրաձայնել իրենց մտածումները, հավատալ սեփական ստեղծարար ներուժին: Կփոխանցի գիտելիք, թե ինչպես օգտվեն ժամանակակից հաղորդակցային, տեղեկատվական միջավայրից՝ սոցիալական ցանցերում ստեղծեն բաց հարթակներ և ներկայացնեն իրենց համայնքների ակտուալ խնդիրները:
3.6	Ոչ ֆինանսական ցուցանիշներ	50-60 հատ մեկ րոպե տևողությամբ ֆիլմերի արտադրություն, հանրայնացում և տարածում սոցիալական հարթակներում: Մասնակիցների քանակ՝ մոտ 160 հոգի:

ՊԵՏԱԿԱՆ ՄԱՐՄԻՆ

ՀՀ կրթության, գիտության, մշակույթի
և սպորտի նախարարություն
ք. Երևան, Վազգեն Սարգսյան 3
Կառավարական տուն 2
ՀՀ ՖՆ գործառնական վարչություն
ՀՀ 900011042638 ՀՎՀՀ 02698732
Գլխավոր քարտուղար՝

Է. Հակոբյան
(ստորագրություն)
Կ.Տ.
02698732



ԿԱԶՄԱԿԵՐՊՈՒԹՅՈՒՆ

«Արվեստի բաց հարթակ» ՀԿ

ք. Երևան Աղյուսագործների 2-րդ փ. տուն 89
«Ինեկորանկ» ՓԲԸ
ՀՀ 2050022554411001 ՀՎՀՀ 00487266
Հեռ՝ 091575458
Տնօրեն՝

Գ. Ղազարյան
(ստորագրություն)
Կ.Տ.




Ն Ա Խ Ա Հ Ա Շ Ի Վ

«Մարդը բարձրագույն արժեք է» կինոաշխատարանների ծրագրի ծախսերի

N	Ծախսատեսակների անվանումը	Չափման միավորը	Քանակը	Միավորի գինը (դրամ)	Գումարը, (հազար դրամ)
	Աշխատանքի վարձատրություն (ներառյալ հարկերը)*, այդ թվում՝				7 708,0
	Պրոդյուսեր, փորձագետ	ամիս	8	343 000	2 744,0
	Հաշվապահ	ամիս	8	48 000	384,0
	Տեխնիկական ասիստենտ	ամիս	8	138 300	1 106,4
	Ծրագրի համակարգող	ամիս	8	200 000	1 600,0
	Մարքետինգի համակարգող	ամիս	8	96 000	768,0
	Դիզայներ	ամիս	8	69 100	552,8
	Մարզային համակարգող	ամիս	8	69 100	552,8
	ԱԱՀ*				1 541,6
	ԸՆԴԱՄԵՆԸ, ներառյալ ԱԱՀ				9 249,6

* Ծախսերը պետք է իրականացվեն բացառապես ՀՀ աշխատանքային օրենսգրքով սահմանված կարգով

** ԱԱՀ-ի գծով լրացուցիչ հարկացումները որպես հարկային պարտավորություն ենթակա են վճարման Կազմակերպության կողմից որպես ԱԱՀ, հակառակ դեպքում ենթակա են վերադարձման ՀՀ պետական բյուջե

ՊԵՏԱԿԱՆ ՄԱՐՄԻՆ՝

ՀՀ կրթության, գիտության, մշակույթի
և սպորտի նախարարություն
ք. Երևան, Վազգեն Սարգսյան 3
Կառավարական տուն 2
ՀՀ ՖՆ գործառնական վարչություն
Հ/Հ 900011042638 ՀՎՀՀ 02698732

Գլխավոր քարտուղար՝
Հ. Հակոբյան



ԿԱԶՄԱԿԵՐՊՈՒԹՅՈՒՆ՝

«Արվեստի բաց հարթակ» ՀԿ
ք. Երևան Աղյուսագործների 2-րդ փ,
տուն 89
«Ինեկորանկ» ՓԲԸ
ՀՀ 2050022554411001 ՀՎՀՀ 00487266
Հեռ՝ 091575458

Տնօրեն՝

Գ. Ղազարյան



ՖԻՆԱՆՍԱԿԱՆ ՀԱՇՎԵՏՎՈՒԹՅԱՆ ՓԱՍՏԱԹՂԹԵՐԻ ԱՄՓՈՓԱԹԵՐԹ

Կատարող կազմակերպությունը _____
Ծրագրի անվանումը _____

NN	Նախահաշվի հոդվածը	Գումարը՝ համաձայն նախահաշվի (դրամով)	Փաստացի գումարը (դրամով)	Շեղումը նախահաշվի համեմատ (+- դրամով)	Հոդվածի ծախս հավաստող փաստաթղթի անվանումը, համարը և ամսաթիվը
1					
2					
3					
	Ընդամենը				

«___» _____ 2023 թ.

Կատարող կազմակերպության ղեկավար

_____/_____/_____
(անուն-ազգանուն) (ստորագրություն)
պատասխանատու՝

ՓԱՍՏԱԹՂԹԵՐՆ ԸՆԴՈՒՆԵՑ՝

ՀՀ ԿԳՄՍ նախարարության

Կատարող կազմակերպության
գլխավոր հաշվապահ
(անուն-ազգանուն) (ստորագրություն)

_____/_____/_____
(անուն-ազգանուն) (ստորագրություն)

ԿԱԶՄԱԿԵՐՊՈՒԹՅՈՒՆ՝

ՊԵՏԱԿԱՆ ՄԱՐՄԻՆ՝

ՀՀ կրթության, գիտության, մշակույթի և սպորտի նախարարություն
Երևան, Կառավարական տուն 2
ՀՎՀՀ՝ 02698732

Հասցե՝

**Ա Ր Զ Ա Ն Ա Գ Ր ՈՒԹՅՈՒՆ
ՀԱՆՁՄԱՆ - ԸՆԴՈՒՆՄԱՆ**

ք. Երևան

« » « » 2023 թ.

Պայմանագրի համարն ու կնքման ամսաթիվը N

Պետական մարմին՝ ի դեմս ՀՀ կրթության, գիտության, մշակույթի և սպորտի նախարարության գլխավոր քարտուղար _____,

(անուն ազգանուն)

և Կազմակերպությունը, ի դեմս _____ -ի տնօրեն

կազմակերպության անվանում

_____, ի, հիմք ընդունելով պայմանագրի կատարման

վերաբերյալ

(անուն ազգանուն)

բովանդակային վարչության « » « » 2023 թ.-ի եզրակացությունը, ինչպես նաև նախարարության հաշվապահական հաշվառման վարչության « » « » 2023 թ.-ի թիվ Ե - ՄՇԴ- եզրակացությունը, կազմեցին սույն արձանագրությունը հետևյալի մասին.

Կազմակերպությունը պայմանագրի շրջանակներում իրականացրել է _____ միջոցառումը, իսկ Պետական մարմինն վճարել է դրա դիմաց՝ պայմանագրով սահմանված կարգով և չափով:

ՊԵՏԱԿԱՆ ՄԱՐՄԻՆ՝

ԿԱԶՄԱԿԵՐՊՈՒԹՅՈՒՆ՝

ՀՀ կրթության, գիտության, մշակույթի և սպորտի նախարարություն

Գլխավոր քարտուղար՝

Տնօրեն՝

Գլխավոր քարտուղարի տեղակալ՝
